

转载言行 内外录

逞建公行略

合联公识

元极字皇建孔子之长子也少聪颖方弱冠即掇童子科履试皆前列食上舍然其志不乐仕进年四十即弃举子业敦尚实行家颇富饶尽给诸弟弟虽异母而一室怡然数十年如一日又抚诸弟之子鞠育如所生慕义者莫不望门投止焉每迂凶荒则倾仓假贷里巷赖以举火者无虑千家建祠堂立约束力勸其事修谱系辨支派亲任其劳有功于宗族不可磨灭也生平于书无所不读间以余治岐黄起危救病亦非近世之所称善制方者比盖其为人也知无不为为靡不精享年六十竟以无子终今继其后即其弟之子本薰本焘也